



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

De Divina Psalmodia, Ejusque Causis, Mysteriis, Et Disciplinis, deque variis Ritibus omnium Ecclesiarum in psallendis Divinis Officiis, Tractatus, Historicvs, Symbolicvs, Asceticvs. Sive Psallentis Ecclesiae Harmonia - Opus novum, & curiosum, ac multiplici eruditione illustratum ... Operum ...

Bona, Giovanni

Parisiis, 1678

Avgvstissimae Caelorvm Reginae Mariae Deiparae, In Subalpinis Italiae prope Montem-Regalem, miraculis coruscanti.

urn:nbn:de:hbz:466:1-9929

AVGVSTISSIMÆ CÆLORVM REGINÆ
MARIÆ DEIPARÆ,

In Subalpinis Italiæ prope Montem-
Regalem, miraculis coruscanti.

D. JOANNES BONA *ejus Ecclesiæ indignus Abbas.*

D. D.

ADsto pavens, ac tremens altari tuo, Gloriosissima Virgo, & hunc primum ingenio mei fœtum, qui tua potenti manu obstetricante in lucem eductus est, pedibus tuis venerabundus advolvo. Audies hic psallentis Ecclesiæ Filii tuæ dilectissima Sponsæ mysticam harmoniam; audies ploratum multum captivæ filia Sion ab hoc miserissimo exilio, in quo incolatus ejus prolongatur, suspirantis ad patriam; audies mœsta Cantica, quæ labia fidelium eructant cœlestis tuæ Hierusalem amulantium gaudia; audies, inquam, & exaudies. Quid enim suavius potest in auribus tuis resonare, quàm preces & hymni servorum tuorum Deum jugiter collaudantium, & ad ipsum clamantium die ac nocte? Hoc hujus meæ lacubrationis argumentum est, hic scopus. Sacram siquidem & divinam Psalmodyam, ejusque historiam, mysteria, & asceticam institutionem nova methodo explicare conatus sum: teque cœptis aspirante, te vires subministrante, quod nequaquam me posse sperabam, tandem perfeci. Indignus forem deinceps tuo patrocinio, Clementissima Mater, ni hoc tuum beneficium ad te rediret. Suscipe igitur qua soles benignitate hoc qualecunque munusculum, quod templi hujus tholo inter tot quæ circumpendent aurea & argentea anathemata, reus voti iam pridem concepti affigo: nec enim minus pretio-

a iij.

*Sanctam, vel tibi gratum fore confido, quam si ex auro vel
gemmis compactum esset. Excipe illud & fovee munifico
complexu; placidissimus affulgeat illi obtutus tua incompa-
rabilis pietatis tanquam solare iubar, ut per omnes orbis
Ecclesias radios emittat: ut modum laudandi Numinis
omnibus indicet, atque in aeternum tui nominis gloriae luce-
scat. Posside me ut rem tuam, O Suprema caelorum Regina,
& cum volueris in hac tibi dicata & de agris mortalibus tot
impendere beneficia, ne me indonatum hinc patiaris abire.
Innova signa, immuta mirabilia. Si hic caecorum oculos
discussa caligine, ut Solem aspicerent, aperuisti; oculos
mentis mea clarissima tua luce perfunde, ut lumen vultus
Dei, quod signatum est super nos, puro semper intuitu per-
spiciam. Si obturatas surdorum aures reserasti; da gau-
dium & letitiam auditui meo interno, ut audiam vocem
Sponsi loquentis in silentio ad cor Hierusalem. Si mutarum
linguarum vincula dirupisti; tribue ori meo sermonem
rectum & bene sonantem, ut cum divinas concino laudes,
placeant verba mea in conspectu aeterni Regis. Si male
affectis pristinam valetudinem depulso morbo restitui-
sti; sana me diuturna infirmitate laborantem, ut integer ani-
mus meus sine ulla aegritudine prava affectionis in die
novissimo inveniatur. Id precor humillimè ante hanc miri-
ficam Imaginem tuam in genua provolutus hac die solemnem,
quam nobis venerabilem reddidit Natale tuum, Anno post
Verbi in utero tuo admirabilem Incarnationem MDC.
100. LXIII.*